


Um Boorn hen

As iej um dissen tied oe wilt verzetn  
Mör ie eerlik woar dan nich vergetn  
Um dicht bie j hoes ees good te kiekn  
Want dan zal oe wa heel rap bliekn  
Dicht bie j de deur is noar ik meen  
Na veul moois veur oons te zeen.



Op de fiets of met de benewaage  
Mu'j der op oet disse zommerdaage  
Goat ees noa Oasel - kiek doar ees rond  
Roek dan de loch da's pas gezond  
Heurt dan de veugel dee fluit aaltied weer  
Da's ok veur oe - begriep dat toch meer.

Dee oale eekn ze stoat der a joaren  
Ze geewt oe scha zoonder vól bezwoaren  
Fiets dan bedaart op Twickel ees an  
Kiekt um oe hen zovól as 't mer kan  
Zet oe ees daal op zonne hoolten baank  
Iej heurt dan de stilte, minuten laank.



Nen jongn veugel den zien mooder röp  
En 'n knientje dat vlak langs oe slöp  
Dan goa'j wieder - Wenzoele, ölliemöl  
Kiekt good um oe hen, iej zeet dan zovól  
Roondom Boorn jao nog vólle meer  
Goat ees noa Hettum of Soasel ne keer.

Zeet dan hoo alns weer is goan greuien  
En zee iej het doar ok wa ees bleuien?  
Ken iej 't verhaal nich van het Mölnven  
Goat dat ees heurn - loop d'r mer hen  
Biej 't café gebroek iej dan koffie met kook  
Doar steet het verhaal wa in 't grote book.



Iejleu begriep wa ik kan het nich loaten  
'k Mur oe verteln van essen en moaten  
Loop, fiets d'r oet dan veul iej oe vriej  
Alns ku'j vergetn iej bint dan weer bliej.

C. ter Hennepe-Lammers.

